

段氏說文注訂

附札記

一



15449

812

1

:1132

段氏說文注訂

附札
記

—

鈕樹玉
著

中
華
書
局

15450

212

段氏說文注訂

附札
記

二

鈕樹玉
著

中華書局

叢書集成初編

段氏說文注訂 附札記 二冊

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之二

統一書號：一七〇一八·一五

金壇段懋堂大令通古今之訓詁明聲讀之是非先
成十七部音均表又著說文解字注十四篇可謂文
字之指歸肆經之津筏矣然智者千慮必有一失況
書成之時年已七十精力就衰不能改正而校讎之
事又屬之門下士往往不參檢本書未免有誤吳門
鈕君匪石錢竹汀宮詹之高足也深於六書之學著
段氏說文注訂八卷介子弟仲嘉亨郵寄嶺南節院
索弁言序中所舉六端及書中舉正皆有依據當與
劉炫規杜並傳於世惜此書成後大令已歸道山不

及見也設使見之必如何邵公所云入我之室操我
之戈矣道光四年冬至月阮元作於廣州節院

段大令懋堂先生注說文刊成余得而讀之徵引極廣鉤索亦深故時下推尊以爲絕學然與許書不合者其端有六許書解字大都本諸經籍之最先者今則自立條例以爲必用本字一也古無韻書今創十七部以繩九千餘文二也六書轉注本在同部故云建類一首今以爲諸字音旨略同義可互受三也凡引證之文當同本文今或別易一字以爲引經會意四也字者孳乳浸多今有音義相同及諸書失引者輒疑爲淺人增五也陸氏釋文孔氏正義所引說文

多誤韻會雖本繫傳而自有增改今則一一篤信六
也有此六端遂多更張迴非許書本來面目亦不能
爲之諱也余昔著新附攷又著說文攷異曾以就正
今注中多有采錄余於說文之學自知淺陋無足重
輕然專以玉篇諸書參校異同實自余始茲錄其尤
甚者若干條竊加平議釐爲八卷曰段氏說文注訂
閒有拈出余說者以明余之非敢掠美也

道光癸未嘉平望後三日吳縣鈕樹玉識

段氏說文注訂卷第一

吳縣鈕樹玉著

上下改爲二三注云各本誤以上爲古文則不得不
改篆文之上爲上而用爲部首使下文从二之字
皆無所統按二爲古文上雖見於偏旁及注然
部首作上以視而可識爲指事也若作二則於指
事晦說文有但見於注而不著於篆者如𠂔爲古
文旅𠂔爲古文貴是也又帝爲古文帝𠂔爲古文
示並省上爲一未可拘泥

祐注云此書之例當是不書其字但書上諱二字

按古人臨文不諱若不書其字後人何從知之脫音候古切

瓊赤玉也今改赤作亦 按玉篇引作赤毛傳木瓜云瓊玉之美者當非亦玉

珣改爲玉注云史記公玉帶索隱曰三輔決錄注云杜陵有玉氏音肅說文以爲从王音畜牧之畜此可證唐本但作玉不作珣 按篇韻並作珣當本說文則摯氏引誤廣韻云玉說文本作王隸加點

以別王字是也

增琕字注云玉篇曰琕古文作琕汗簡古文四聲韻
曰琕見說文 按玉篇不引說文廣韻無古文琕
汗簡古文四聲韻所引多不足信

琕虞書琕火粉米注云虞書琕字衣之文也當从衣
而从玉者段借也 按衣部無祿未可謂之段借
刪瑳字注云玼之或體作瑳詩君子偕老二章三章
皆曰玼兮玼兮是以二章毛鄭有注三章無注或
兩章皆作瑳自淺人分別玼屬二章瑳屬三章畫

爲二字二義又於說文增瑳爲訓釋今刪 按玉

篇瑳且我切玉色鮮白也引詩傳曰瑳巧笑貌又

七河切廣韻收平上二聲蓋瑳字婁見之字是以

毛鄭不釋陸氏釋文云舊本皆前作玼後作瑳字

詩淇奥如切如瑳

或作玼非

論語大學爾雅並同繫傳

偶脫瑳因而致疑過矣詩釋文玼引沈云王肅本

或作瑳則玼或可疑瑳不可刪

璫禾之赤苗謂之薺今改薺爲穉注云今依毛詩釋

文宋槩穉卽艸部薺字之或體艸部不言或作穉

而此見之亦可見或字不能悉載 按玉篇引作
麤無穢字廣韻亦無穢則陸氏引誤

靈靈巫以玉事神今巫下增也字神下注云依韻會
無也字 按神下各本無也字不但韻會

茅下增可縮酒爲藉注云各本無此五字依韻會所
引補 按此五字當卽韻會增

蔭注云錯本無蔭 按舊本繫傳有

蒟下增世爲蒲蒟四字注云太平御覽有 按當卽
御覽說

蓂嬰莫也注云嬰錯本作嬰 按舊本繫傳作嬰艸

部無蓂

蒐下茹蘆改爲茹蘆當本余說然無引證

蓂蓂婁果羸也注云羸宋本作羸依錯本與詩合

按舊本繫傳作羸詩及釋草作羸說文無羸羸當

不誤

摯詩曰十月隕摯今改隕作殞注云殞鉉本作隕

按舊本繫傳亦作隕韻會作殞反部無殞

雉注云說文本無雉字淺人所孱入 按周禮秋官

作薺氏釋文云薺字或作雉玉篇薺引周禮廣韻
薺注除草則薺非後人增

薺改爲薺當本余說

設識列切又桑葛切 按各本無桑葛切一音篇韻
亦無洪興祖補注楚辭劉向九歎設音桑葛切云
集韻引此然未必是也

改藎藎二篆爲藎藎 按余謂玉篇艸部無此二字
當卽血部之字後人不察增入艸部今旣改二字
从血而又作疑辭殊不可解

菝艸田器今改艸爲菝注云今依韻會論語疏 按
韻會蓋因論語疏改玉篇注草器名廣韻注草田
器則艸字不誤今論語作篠集解引包曰竹器
菩楚詞有菩蕭注云今楚詞無菩蕭惟宋玉九辯奄
離披此梧楸許所見菩蕭 按篇韻菩注云草似
艾與梧楸不類漢書藝文志有宋玉賦十六篇或
出其中

敢注云錯本麻部無廢疑俗所添 按舊本繫傳有
廢韻會引亦有

艸部文四百四十五 按今刪去蔞薊二篆未注出
蔞拔去田艸也今改作披田艸注云繫傳舊本拔作
披 按繫傳蓋傳寫譌韻會引玉篇注並作披詩
良耜釋文引亦作披

𣎵注云此卽今之兆字也證以廣韻又引廣韻云𣎵
灼龜坼也出文字指歸以證說文無𣎵兆 按廣
韻兆引說文分也蓋出後人誤引其𣎵引文字指
歸者並未檢及說文也此廣韻之陋不可從也

輶注云龍龜手鑑引玉篇直利反顧野王不云籀文